


曾文正公文鈔卷四


復許孝廉振禕書

去冬接奉惠書，久未裁復，頃又辱手簡，伏審侍闈曼福，  
 曩箸日精，至以為慮。此間軍事自徽甯失後，局勢過促，  
 小無舞袖之友，夢中無伸足之處。十二月普軍敗挫，  
 建東都鄙浮彭六邑，同失祁門老營，孤懸被困。幸左鮑  
 將黃逆擊退，甫慶更生。偽侍王李世賢一股，又陷樂平。  
 景鎮斷我後路，塞我糧源，現已檄左鮑兩軍夾擊景鎮。  
 而老營抽兵力攻徽州，若二者能一處得手，庶米糧可



通不使三萬軍士盡陷重險之中撫建股匪深入腹地  
本擬檄鮑公由省城援剿因景鎮之變不能不先援老  
營聞樟樹已失不知瑞臨得保無恙否珂鄉罹水火久  
矣劫數猶未滿耶來示詢及古文之法僕本無所解近  
更荒淺不復厝意古文者韓退之氏厭棄魏晉六朝駢  
儷之文而返之於六經兩漢從而名焉者又名號雖殊  
而其積字而爲句積句而爲段而爲篇則天下之凡名  
爲文者一也國藩以爲欲著字之古宜研究爾雅說文  
小學訓詁之書故嘗好觀近人王氏段氏之說欲造句

之古宜倣效漢書文選而後可矧俗而裁僞欲分段之  
古宜熟讀班馬韓歐之作審其行氣之短長自然之節  
奏欲謀篇之古則羣經諸子以至近世名家莫不各有  
匠心各具章法如人之有肢體室之有結構衣之有要  
領大抵以力去陳言戛戛獨造爲始事以聲調鏗鏘包  
蘊不盡爲終事僕學無師承冥行臆斷所辛苦而僅得  
之者如是而已自頃羣賊逼處無日不在危機駭浪之  
中偶一展卷都無意緒不足仰報故人勉惜分陰以光  
絕業瞻企不盡



復李觀察鴻裔書

接初三日手書藉審台候綏愉醇修日密公餘讀書口  
 有常課欣慰無已承詢虛實譬喻異詰等門屬以破格  
 相告若鄙人有所祕惜也者僕雖無狀亦何敢稍懷吝  
 心特以年近六十學問之事一無所成未言而先自愧  
 赧昔在京師讀王懷祖段茂堂諸書亦嘗研究古文家  
 用字之法來函所詢三門虛實者實字而虛用虛字而  
 實用也何以謂之實字虛用如春風風人夏雨雨人上  
 風雨實字也下風雨則當作養字解是虛用矣解衣衣

我推食食我上衣食實字也下衣食則當作惠字解是  
虛用矣春朝朝日秋夕夕月上朝夕實字也下朝夕則  
當作祭字解是虛用矣入其門無人門焉者入其闈無  
人闈焉者上門闈實字也下門闈則當作守字解是虛  
用矣後人或以實者作本音讀虛者破作他音讀若風  
讀如諷雨讀如顚衣讀如裔食讀如嗣之類古人曾無  
是也何以謂之虛字實用如步行也虛字也然管子之  
六尺爲步韓文之步有新船輿地之瓜步邀笛步詩經  
之國步天步則實用矣薄迫也虛字也然因其叢密而

林曰林薄因其不厚而簾曰帷薄以及爾雅之屋上薄  
莊子之高門懸薄則實用矣覆敗也虛字也然左傳設  
伏以敗人之兵其伏兵卽名曰覆如鄭突爲三覆以待  
之韓穿帥七覆於敖前是虛字而實用矣從順也虛字  
也然左傳於位次有定者其次序卽名曰從如荀伯不  
復從豎牛亂大從是虛字而實用矣然此猶就虛字之  
本義而引伸之也亦有與本義全不相涉而借此字以  
名彼物者如收斂也虛字也而車之輪名曰收賢長也  
虛字也而車轂之大穿名曰賢畏懼也虛字也而弓之

淵名曰畏峻高也虛字也而弓之挂弦處名曰峻此又  
器物命名虛字實用之別爲一類也至用字有譬喻之  
法後世須數句而喻意始明古人祇一字而喻意已明  
如駿良馬也因其良而美之故爾雅駿訓爲大馬行必  
疾故駿又訓爲速商頌之下國駿龐周頌之駿發爾私  
是取大之義爲喻也武成之侯衛駿奔管子之弟子駿  
作是取速之義爲喻也牝牛百葉也或作牝或作毗音  
義並同牛百葉重叠而體厚故爾雅毛傳皆訓爲厚節  
南山之天子是毗采菽之福祿牝之是取厚之義爲喻

也宿夜止也止則有留義又有久義子路之無宿諾子  
子之不宿怨是取留之義爲喻也史記之宿將宿儒是  
取久之義爲喻也渴欲飲也欲之則有切望之義又有  
急就之義鄭箋雲漢詩曰渴雨之甚石苞檄吳書曰渴  
賞之士是取切望之義爲喻也公羊傳曰渴葬是取急  
就之義爲喻也至於異詁云者則無論何書處處有之  
大抵人所共知則爲常語人所罕聞則爲異詁昔郭景  
純注爾雅近世王伯申著經傳釋詞於衆所易曉者皆  
指爲常語而不甚置論惟難曉者則深究而詳辨之如

淫訓爲淫亂此常語人所共知也然如詩之既有淫威則淫訓爲大左傳之淫刑以逞則淫訓爲濫書之淫舍枯牛馬左之淫芻蕘者則淫當訓爲縱莊子之淫文章淫於性則淫字又當訓爲贅皆異詁也黨訓鄉黨此常語人所共知也然說文云黨不鮮也黨字从黑則色不鮮乃是本義方言又云黨智也郭注以爲解寤之貌鄉射禮侯黨鄭注以爲黨旁也左傳何黨之乎杜注以爲黨所也皆異詁也展訓爲舒展此常語也卽說文訓展爲轉爾雅訓展爲誠亦常語人所共知也然儀禮有司

展羣幣則展訓爲陳周禮展其功緒則展訓爲錄旅獒時庸展親則展當訓爲存省周禮之展犧牲展鍾展樂器則展又當訓爲察驗皆異詁也此國藩講求故訓分立三門之微意也古人用字不主故常初無定例要之各有精意運乎其間且如高平曰阜大道曰路土之高者曰冢曰墳皆實字也然以其有高廣之意故爾雅毛傳於此四字均訓爲大四牲孔阜爾殺既阜火烈具阜阜成兆民其用阜字俱有盛大之意王者之門曰路門寢曰路寢車曰路車馬曰路馬其用路字俱有正大之

意長子曰冢子長婦曰冢婦天官曰冢宰友邦曰冢君  
其用冢字俱有重大之意小雅之群羊墳首司烜之共  
墳燭其用墳字俱有肥大之意至三墳五典則高大矣  
凡此等類謂之實字虛用也可謂之譬喻也可卽謂之  
異詁也亦可閣下現讀通鑑司馬公本精於小學胡身  
之亦博極羣書卽就通鑑異詁之字偶一抄記或他人  
視爲常語而已心以爲異則凡抄之或明日視爲常語  
而今日以爲異亦姑抄之久之多識雅訓不特譬喻虛  
實二門可通卽其他各門亦可觸類而貫徹矣

與朱太學孔陽書


來函具悉所論轉注謂戴氏專以訓詁解轉注義有未  
盡誠爲確論至謂會意之老形聲之考焯然已知而疑  
許氏合此二字爲轉注者爲失之贅則竊以爲不可許  
君固非絕無可議者惟指考老爲轉注則在不可議之  
列尊意履本訓踐其所爲踐之具者爲轉注是以虛用  
者爲本訓實用者爲轉注凡古今文字何字不可虛實  
兩用如履字以實用者爲本訓而羽獵賦之履般首則  
虛用矣鳥字以實用者爲本訓而魯頌之松栢有鳥則

虛用矣推之衣巾冠帶皆實字也而孟子之衣褐周禮  
之巾車史記之冠玉月令之帶弓則虛用矣宮室門戶  
皆實字也而爾雅之大山宮小山左傳之復室其子公  
羊之無人門焉者漢書之王嘉戶殿門則虛用矣將循  
履字之例概以虛者爲本義實者爲轉注乎抑有時以  
虛者命爲轉注乎曩常譏戴段二家以一部爾雅全目  
爲轉注以五百四十部首全目爲轉注以爲何必六書  
祇此一書足矣今來函所述庭訓其病殆亦近之不佞  
竊不自揆謬立一說篤守許氏考老之旨以謂老者會

意字也考者轉注字也部首之可指數者如聲部龔部  
畫部肩部菁部筋部稽部橐部屨部重部老部履部餘  
部鹽部弦部酉部皆轉注之部也凡形聲之字大抵以  
左體爲母以右體之得聲者爲子而母字從無省畫者  
凡轉注之字大抵以會意之字爲母亦以得聲者爲子  
而母字從無不省畫者省畫則母字之形不全何以知  
子之所自來惟好學深思精心研究則形雖不全意可  
相受如老字雖省去匕字而可知考耄等字之意從老  
而來履字雖省去舟文而可知屨屐等字之意從履而

來藁字雖省去豕字而可知藁藁等字之意從藁而來  
寤字雖省去夢字而可知寤寐等字之意從寤而來推  
之犛麤畫眉等部莫不皆然其曰建類一首者母字之  
形模尙具也其曰同意相受者母字之畫省而意存也  
抑又有進者轉注之字其部首固多會意者矣亦有不  
盡然者如鹽從鹵監聲形聲字也而所屬鹽鹵等字仍  
不害其爲轉注之字飲從欠舍聲形聲字也而所屬之  
飲仍不害其爲轉注之字至於酉者象形字也本不得  
目爲轉注之部特以酉字之才不足以統所屬之字似

應別立酒部而於醞釀醕醑醇醲等字增曰從酒省晶  
聲從酒省襄聲從酒省壽聲昔聲享聲离聲云云乃與  
全書義例相合蓋此等字本不僅胚胎於酉字實由酒  
字貫注而來斯又許君所未指爲轉注而不害其爲轉  
注者也此說蓄諸鄙心歷有歲年間語朋輩疑信參半  
以生平於小學致力甚淺不敢有所造述因來函陳義  
頗堅輒復貢其膚末以相質證



復陳太守寶箴書

四月二十七日接惠書并寄大文一冊知台從去歲北  
行以途中染疾就醫歷下正月之杪乃達京師是時鄙  
人適已出都未及相見爲悵閣下志節嶙峋器識宏達  
又能虛懷取善兼攬眾長來書所稱自吳侍郎以下若  
涂君張君方君皆時賢之卓然能自立者鄙人器能寡  
薄謬蒙崇獎非所敢承前以久點高位頗思避位讓賢  
保全晚節赴闕以後欲布斯懷而未能得其方亦遂  
不復陳請又盛引古義力言不可遽萌退志今已承乏

此間進止殊不自由第恐精力日頽無補艱危祇速謗耳大箸粗讀一過駿快激昂有陳同甫葉水心諸人之風僕昔備官朝列亦嘗好觀古人之文章竊以自唐以後善學韓者莫如王介甫氏而近世知言君子惟桐城方氏姚氏所得尤多因就數家之作而考其風旨私立禁約以為有必不可犯者而後其法嚴而道始尊大抵剽竊前言句摹字擬是為戒律之首稱人之善依於庸德不宜褒揚溢量動稱奇行異徵鄰於小說誕妄者之所為貶人之惡又加慎焉一篇之內端緒不宜繁多

譬如萬山旁薄必有主峯龍袞九章但挈一領否則首尾衡決陳義蕪雜茲足戒也識度曾不異人或乃競為僻字澀句以駭庸眾斷自然之元氣斯又才士之所同蔽戒律之所必嚴明茲數者持守勿失然後下筆造次皆有法度乃可專精以理吾之氣熟讀而強探長吟而反覆使其氣若翔翥於虛無之表其辭跌宕俊邁而不可以方物蓋論其本則持戒律之說詞愈簡而道愈進論其末則抗吾氣以與古人之氣相翕有欲求太簡而不得者兼營乎本末斟酌乎繁簡此自昔志士之所為

畢生矻矻而吾輩所當勉焉者也國藩粗識塗徑所作絕少在軍日久舊業益荒忽忽衰老百無一成既承切問略舉所見以資參證別示種煙之弊及李編修書膏腴地畝舍五稼而種罌粟不惟民病艱食亦人心風俗之憂直隸土壤磽薄聞種此者尙少若果漸染此習自應通飭嚴禁但非年豐民樂生聚教訓亦未易以文告爭耳

加復黎刺史庶昌書

正封函間又接二月十六日手書汲汲以修名不立志事無成爲懼有屈正則陶士行之風良堪敬仰至以建樹無聞遽用皇皇則殊太早計二十三歲甫及壯年古來如顏子立德周郎立功賈生立言均在少壯然千古曾有幾人其餘賢哲代興樹立宏達大抵皆在四十以後耳以仲尼之聖而不惑亦待四十今來示以惑之滋甚意思祛疑似聞道更思早於魯叟斯可謂大惑也三史通鑑次第卒業爲學之大基已立若能精進不懈博覽

而約守資深而居安終有灑然自得渙然冰釋之日殆  
非他人所能共喻至於朝夕升斗之謀則丁中丞道出  
此間當一與之熟商此等亦有命運大囊之說頗省記  
否國藩又啟

復劉中丞荅書

十二月初接八月二十六日惠書及繹禮堂記敬承興  
居康勝勤學不倦所居疑在蓬島之間置身若在周秦  
以前非泊然寡營觀物深窈翫希聲而友前哲殆未足  
語於此研究三禮洞澈先王經世宰物之本達於義理  
之原遂欲有所撰述以覺後世之昏昏甚盛甚盛欽企  
何窮國藩亦嘗粗涉禮經之藩官事繁冗莫竟其業所  
以沮滯而不達者約有數端蓋禮莫重於祭祭莫大於  
郊廟而郊祀祿獻之節宗廟時享之儀久失其傳雖經

後儒殷勤修補而疎漏不完較之特牲少牢饋食兩篇  
詳略迥殊無由窺見天子諸侯大祭森嚴之典軍禮既  
居五禮之一吾意必有專篇細目如臧元敬氏所紀各  
號令者使伍兩卒旅有等而不干坐作進退率循而不  
越今十七篇獨無軍禮而江氏永秦氏蕙田所輯乃僅  
以兵制田獵車戰舟師馬政等類當之使先王行軍之  
禮無緒可尋國之大事在祀與戎而古禮殘闕若此則  
其他雖可詳考又奚足以經綸萬物前哲化民成俗之  
道禮樂並重而國子之教樂爲專精樂之至者能使鳳

儀獸舞後聖千載聞之忘味欲窺聖神制作豈能置聲  
樂於不講國藩於律呂樂舞茫無所解而秣算之學有  
關於製器審音者亦終身未及問津老鈍無聞用爲深  
恥夫不明古樂終不能研窮古禮國藩之私憾也郊廟  
祭儀及軍禮等殘缺無徵千古之公憾也是皆用以自  
沮而不達者也所貴乎賢豪非直博稽成憲而已亦將  
因其所值之時所居之俗而創立規制化裁通變使不  
失乎三代制禮之意來書所謂苟協於中何必古人是  
也然時俗亦有未易變者古者祭祀必有主婦聘饗亦

及夫人誠以在宮雍雍在廟肅肅妃匹有篤恭之德乃足以奉神靈而理萬化所謂有關雉麟趾之精意而後可行周官之法度也白陽侯殺繆侯而大饗廢夫人之禮後世若以主婦承祭則驚世駭俗譏爲異域然全行變革則又與采蘋采蘋諸詩之精義相悖古之宮室與後世異議禮之家必欲強後代之儀節就古人之室制如明史載品官冠禮幾與儀禮悉合不知曰東房西墉曰房內戶東曰坳明世固無此宮室也然稍師儀禮之法則堂庭淺陋必有齟齬而難行者誠得好學深思之

士不泥古法亦不輕徇俗好索之幽深而成之易簡將犁然有當於人心國藩於昏喪祭三禮亦頗思損益涑水書儀紫陽家禮纂訂一編以爲宗族鄉黨行習之本守官少暇不克斟酌時俗之中卒未能從容爲之斯亦自沮而不達之一端也閣下山居靜篤將爲禮經發微及或問等書何不先取此三禮撰著鴻篇使品官庶士可以通行用今日冠服拜跪之常而悉符古昔仁義等殺之精倘亦淑世者所有事乎來書又以文章欲追歐陽公輩而與之並而願有大於此者將決然而棄去抑

兩利而俱存就鄙人而卜取舍國藩竊維道與文之輕重紛紜無有定說久矣朱子讀唐志謂歐陽公但知政事與禮樂不可不合而爲一而不知道德與文章尤不可分而爲二其譏韓歐裂道與文以爲兩物措辭甚峻而歐陽公送徐無黨序亦以修之於身施之於事見之於言分爲三途夫其云修之身者卽叔孫豹所謂立德也施之事見之言者卽豹所謂立功立言也歐公之言蓋深慕立德之徒而鄙功與言爲不足貴且謂勤一世以盡心於文字者皆爲可悲與朱子譏韓公先文後道

譏永嘉之學偏重事功蓋未嘗不先後同符朱子作讀唐志時豈忘歐公送徐無黨之說奚病之若是哉國藩之愚以爲事功之成否人力居其三天命居其七苟爲無命雖大聖畢生皇皇而無濟於世文章之成否學問居其三天質居其七秉質之清濁厚薄亦命也前世好文之士不可億計成者百一傳者千一彼各有命焉孔子以斯文之將喪歸之天命又因公伯寮而謂道之行廢由命孟子亦以聖人之於天道歸之於命然則文之興衰道之能行能明皆有命焉存乎其間命也者彼蒼

戶之吾之所無如何者也學也者人心主之吾之所能  
自勉者也自周公而下惟孔孟道與文俱至吾輩又法  
孔孟固將取其道與文而并學之其或體道而文不昌  
或能文而道不凝則視乎性之所近苟秉質誠不足與  
言文則已閣下既自度可躋古人何爲舍此而他求哉  
若謂專務道德文將不期而自工斯或上哲有然恐未  
必果爲篤論也僕昔亦有意於作者之林悠悠歲月從  
不操筆爲文去年偶作羅忠節李忠武兄弟諸碑則心  
如廢井冗蔓無似乃知暮年衰退才益不足副其所見

矣少壯眞當努力光陰邁往悔其可追姻丈於上年六  
月改葬行述未蒙寄到若果爲銘章必不足稱盛意南  
屏亦已衰頽其游衡疑之說果踐約否筠仙修通志之  
議事甚浩博未易卒業近又喪其愛子憂懷何以自遣  
寒門已嫁四女三家未生子郭氏女生子而早寡感愴  
無涯內人失明之後諸病叢集醫藥相尋冢婦亦多病  
次兒於元日得舉一子差爲忻慰賤軀粗適惟目光日  
蒙於花鏡之上又加一花看字尙如隔煙霧直隸終年  
亢旱去秋未種菽麥今歲夏收失望疆吏對此如坐鍼


穆公私子子都無好懷南望故鄉恨不得屏棄百事從  
閣下一豁襟抱也略布近狀不宣

袁吳廣文敏樹書

三月初旬奉復一函諒已達覽旋接上年臘月惠書并  
大箸詩文全集各五十部就審履祺康勝無任企仰大  
集古文敬讀一過視昔年僅見零篇斷幅者尤爲卓絕  
大抵節節頓挫不矜奇辭與句而字字若履危石而下  
落紙乃遲重絕倫其閒適之文清曠自怡蕭然物外如  
說鈞雜說程日新傳屠禹甸序之類若翱翔於雲表俯  
視而有至樂國藩嘗好讀陶公及韋白蘇陸閒適之詩  
觀其博攬物態逸趣橫生栩栩焉神愉而體輕令人欲

棄百事而從之遊而惜古文家少此恬適之一種獨柳子厚山水記破空而遊并物我而納諸大適之域非他家所可及今乃於尊集數數遺之故編中雖兼衆長而僕視此等尤高也與歐陽篠岑書中論及桐城文派不右劉姚至比姚氏於呂居仁譏評得無少過劉氏誠非有過絕輩流之詣姚氏則深造自得詞旨淵雅其文爲世所稱誦者如莊子章義序禮箋序復張君書復蔣松如書與孔塢約論禘祭書贈塢約假歸序贈錢獻之序朱竹君傳儀鄭堂記南園詩存序縣莊文集序等篇皆

義精而詞俊夔絕塵表其不厭人意者惜少雄直之氣驅邁之勢姚氏固有偏於陰柔之說又嘗自謝爲才弱矣其論文亦多詣極之語國史稱其有古人所未嘗言彙獨抉其微而發其蘊惟亟稱海峯不免阿於私好要之方氏而後惜抱固當爲百年正宗未可與海峯同類而并薄之也淺謬之見惟希裁正



丁卯四月求降雨澤告辭

自客歲之仲秋歷冬春而孟夏閱八月而不雨嗟羣生  
 之凋謝哀江南之黎庶困兵燹以千霜邑何民而不孱  
 野何土而不荒慶中興於甲子甫得脫乎兵戎悉敝賦  
 而北伐又杼柚之屢空逮丙寅之夏末高郵罹乎災凶  
 運隄滄其潰決沒六縣於波中漲泗沂與淮湖瀦于里  
 為澤國飽人肉於蛟魚鳥為下而爭食嗟赤子其何辜  
 實百官之不職曾水患之未平又旱災之相逼麥有秋  
 而失望稻有種而不入千村聚而皇皇老幼環而悲泣

痛蚩蚩者無罪罪乃在於置臣羌無德而竊位上干怒  
乎百神或屋漏之隱慝或秕政之不仁將舉錯之失當  
抑冤獄之未申宜躬被乎酷罰胡移禍於吾民爰致齋  
而惕厲叩蒼昊而陳詞審予身之有咎甘百死而不辭  
爲斯民而請命冀歲事之無虧沛甘霖而溥降膏百穀  
以蕃滋萬彙蔚而同春農民忻而相告今不慮乎旱飢  
後無傷乎秋澇感神惠之孔時終傾誠而圖報

求闕齋經史百家雜鈔敘目附

論箸類 著作之無前者

經如洪範大學中庸樂記孟子皆是後世諸子曰篇曰  
訓曰覽古文家曰原曰論曰辨曰議曰說曰解皆是

詞賦類 著作之有韻者

經如詩之賦頌書之五子作歌皆是後世曰賦曰辭曰  
騷曰七曰設論曰符命曰頌曰贊曰箴曰銘曰歌皆是  
序跋類 他人之著作序述其意者

經如易之繫辭禮記之冠義昏義射義皆是後世曰序

白跋曰引曰題曰讀曰傳曰注曰箋曰疏曰說曰解皆是

詔令類 上告下者

經如甘誓湯誓牧誓大誥康誥酒誥等皆是後世曰誥

曰詔曰諭曰令曰教曰誓書曰檄曰策命皆是

奏議類 下告上者

經如皋陶謨無逸召誥及左傳季文子魏絳等諫君之辭皆是後世曰書曰疏曰議曰奏曰表曰劄子曰封事曰彈章曰牋曰對策皆是

書牘類

同輩相告者

經如君奭及左傳鄭子家叔向呂相之辭皆是後世曰書曰啟曰牘曰簡曰刀筆曰帖曰移皆是

哀祭類

人告於鬼神者

經如詩之黃鳥二子乘舟書之武成金縢祝辭左傳荀偃趙簡告辭皆是後世曰祭文曰弔文曰哀辭曰誄曰告祭曰祝文曰願文曰招魂皆是

傳誌類

所以記人者

經如堯典舜典史則本紀世家列傳皆記載之公者也

後世記人之私者曰墓表曰墓志銘曰行狀曰家傳曰神道碑曰事略曰年譜皆是

敘記類 所以記事者

經如書之武成金縢顧命左傳記爭戰記會盟及全編皆記事之書通鑑法左傳亦記事之書也後世古文如平淮西碑等是然不多見

典志類 所以記故典者

經如周禮儀禮全書禮記之王制月令明堂位孟子之北宮錡章皆是史記之八書漢書之十志及三通皆典

章之書也後世古文如趙公救菑記是然不多見

雜記類 所以記雜事者

經如禮記投壺深衣內則少儀周禮之考工記皆是後世古文家修造宮室有記游覽山水有記以及記器物記瑣事皆是

姚姬傳氏之纂古文辭分爲十三類余稍更易爲十二

類曰論著詞賦序跋詔令奏議書牘哀祭傳誌雜記九

者余與姚氏同焉者也曰贈序姚氏所有而余無焉者也曰序記曰典誌余所有而姚氏無焉者也曰頌贊曰

曾文正公集卷四  
三  
箴銘姚氏所有余以附入詞賦之下編曰碑誌姚氏所  
有余以附入傳誌之下編論次微有異同大體不甚相  
遠後之君子以參觀焉

村塾古文有選左傳者識者或譏之近世一二知文之  
士簞錄古文不復上及六經以云尊經也然溯古文所  
以立名之始乃由屏棄六朝駢儷之文而返之於三代  
兩漢今舍經而降以相求是猶言孝者敬其父祖而忘  
其高曾言忠者曰我家臣耳焉敢知國將可乎哉余抄  
簞此編每類必以六經冠其端涓涓之水以海為歸無

所於讓也姚姬傳氏撰次古文不載史傳其說以為史  
多不可勝錄也然吾觀其奏議類中錄漢書至三十八  
首詔令類中錄漢書三十四首果能屏諸史而不錄乎  
余今所論次采輯史漢名之曰經史百家雜抄云

簡首

論 孔子在陳章 養生主 原道 伯夷頌

詞 七月流火 解嘲 兩都賦 赤壁賦

賦 下繫十一爻 漢興以來諸侯年表序 張中丞傳

後序 先大夫集後序

詔 呂刑 賜南粵王趙佗書 諭巴蜀檄 賜竇融璽書

奏 無逸 陳政事疏 戒妃匹勸經學疏 出師表

書 叔向貽子產書 與吳質書 與孟尚書書 荅李翊書

哀 金縢冊祝之辭 九歌 祭柳子厚文 祭張員外文

傳 伯夷列傳 孟子荀卿列傳 魏其武安侯列傳 霍光傳 贈太尉許國公神道碑銘 試大理評事

王君墓誌銘 瀧岡阡表 王深甫墓志銘 韓之戰 赤壁之戰 平淮西碑 柳州羅池廟碑

志 禹貢 平準書 五代史職方考 越州趙公救災記

雜 梓人匠人輪人輿人 藍田縣丞廳壁記 豐樂亭記 宜黃縣學記

姚氏纂古文至七百餘首之余鈔錄又加多焉茲別選簡本得四十八首以備朝夕吟誦約而易守得温故知新之益

論箸之屬

洪範 齊桓晉文之事 夫子當路於齊 有為神農

之言者 好辯 離婁之明 魚我所欲也 舜發於

畎畝 孔子在陳 逍遙遊 養生主 駢拇 馬蹄

胠篋 達生 山木 外物 秋水 議兵篇 榮

辱篇 說難 過秦論 主命論 辨亡論 運命論

徙戎論 原道 原性 原毀 伯夷頌 獲麟解

雜說四首 改葬服議 爭臣論 師說 封建論

桐葉封弟辨 本論 朋黨論 太極圖說 通書

西銘東銘 漢中王即皇帝位論 易論 書論

詩論 樂論 諫論二 辨姦論 魯隱公論 戰國任

俠論 韓非論

詞賦之屬 分上下編

七月 東山 六月 采芑 車攻 吉日 節南山

正月 緜 皇矣 嵩高 烝民 賦篇 離騷

九歌 九章 卜居 遠遊 九辨 弔屈原賦 鵬

鳥賦 惜誓 七發 客難 子虛賦 上林賦 封

禪文 羽獵賦 長楊賦 甘泉賦 河東賦 反離

騷 解嘲 解難 兩都賦 幽通賦 荅賓戲 兩  
 京賦 思玄賦 登樓賦 酒德頌 三都賦 西征  
 賦 秋興賦 笙賦 歸去來辭 蕪城賦 哀江南  
 賦 送窮文 進學解 秋聲賦 前後赤壁賦  
 闕宮 濬哲 抑 賓筵 敬之 悲 嶧山刻石  
 泰山刻石 琅琊之罍碣石會稽刻石 房中歌 郊  
 祀歌 十二州箴 百官箴 趙充國頌 酒箴 封  
 燕然山銘 泗水亭碑銘 十八侯銘 綬笥銘 官  
 箴 座右銘 光武濟陽宮碑 石門頌 祖德頌

京兆樊惠渠頌 黃鉞銘 東鼎銘 中鼎銘 西鼎  
 銘 出師頌 送第五 爲督軍御史箴 外戚箴  
 劍銘 漢鏡銘 宗聖侯孔羨奉家祀碑 高祖功臣  
 頌 盛德頌 登遐頌 榮啟期贊 女史箴 劍閣  
 銘 太師箴 乘輿箴 釋奠頌 太康頌 尚書令  
 箴 山海經圖贊 東方朔畫贊 三國名臣序贊  
 聘士徐君墓頌 讀史述 閭遊贊 女史箴 擬金  
 人銘 作口銘 座右銘 皇太子箴 閩中草木頌  
 徵士頌 虞舜像贊 中興頌 五箴 後漢三賢贊

伊尹五就桀贊 平淮夷雅 心箴 四箴 敬齋  
箴 六先生畫像贊

序跋之屬

乾文言 坤文言 上繫七爻 下繫十一爻 冠義

六國表序 十二諸侯年表序 漢興以來諸侯年

表序 高祖功臣年表序 建元以來諸侯年表序

秦楚之際月表序 太史公自序 藝文志 諸侯王

表序 貨殖傳序 西域傳贊 漢書序傳 戰國策

序 說文序 宦者傳論 張中丞傳後序 讀儀禮

讀荀子 論語辨二首 辨列子 辨文子 辨鬼

谷子 辨晏子春秋 辨鵠冠子 唐書藝文志序

五代史伶官傳序 五代史一行傳序 五代史宦者

傳序 五代史職方考序 蘇氏文集序 釋惟儼文

集序 釋祕演文集序 集古錄跋尾十首 集古錄

目序 先大夫集後序 中論序 戰國策目序 新

序目錄序 列女傳目錄序 周禮義序 詩義序

書義序 文獻通考序 送徐無黨南歸序

詔令之屬

甘誓 湯誓 牧誓 呂刑 文侯之命 費誓 秦誓 王子朝告諸侯之詞 初并天下議帝號令 求賢詔 賜南粵王書 除誹謗法詔 除肉刑詔 增祀無所詔 求者詔 遺匈奴書 景帝令二千石修職詔 策問賢良文學 議不舉孝廉者罪詔 報李廣詔 封齊王策 封燕王策 封廣陵王策 策問賢良文學 賜燕王旦璽書 令二千石察官屬詔 議封甘延壽等詔 諭巴蜀檄 難蜀父老 敕掾功曹教 光武賜竇融璽書 報臧宮詔 擬荅北匈奴

詔 卽位詔 祀光武皇帝於明堂詔 辟雍行養老禮詔 塞汴渠詔 申明科禁詔 舉賢良方正直言極諫詔 建初七年禘祭詔 元和二年詔三公 承元十二年恤民詔 戒兄弟書 戒子書 策丞相諸葛亮詔 與羣下教 爲袁紹檄豫州 檄吳將校部曲文 爲石苞與孫皓書 檄蜀文 賜彭城王據璽書 黃初六年下國中令 爲宋公修張良廟教 戒江夏王義恭書 奉天改元大赦制 平朱泚還京大赦制 蝗蟲避正殿降免囚徒德音 誅李懷光宥河

中將吏并招諭淮西詔 議減鹽價詔 進士策問十  
三首 祭鯉魚文 內侍押班任守信可遙郡刺史依  
舊卿延路兵馬鈐轄制 杜鉞可衛尉寺丞制 張去  
惑可祕書丞制 郭固可甯州軍事推官制 李仲昌  
可大理寺丞簽署渭州判官制 故尚父汾陽王孫元  
亨可永興軍助教制 李景圭可大理寺評事制 孫  
礪李國慶可殿中丞制 賈昌衡知鄧州制 梅福封  
壽春真人制 王中正种諤降官制 張知均州制  
孫復可大理寺評事制

奏議之屬

無逸 季文子諫納莒僕 魏絳諫伐戎 蒞啟疆諫  
恥晉 李斯諫逐客書 賈誼陳政事疏 論積貯疏  
請封建子弟疏 諫封淮南四子疏 諫放民私鑄  
疏 至言 言兵事書 論貴粟疏 論守邊備塞書  
論募民徙塞下書 諫吳王書 獄中上梁王書  
諫獵書 論世務書 論伐匈奴書 諫伐閩越書  
對賢良策三首 尙德緩刑書 罷珠崖對 陳兵利  
害書 屯田奏三首 條災異封事 論甘延壽等疏

論起昌陵疏 諫外家封事 上星孛等奏 上政  
治得失疏 論治性正家疏 戒妃匹勸經學書 治  
河議 諫不許單于朝書 毀廟議 樊準興修儒學  
書 上桓帝書 改鑄大錢議 出師表 諫明帝書  
勸進表 文字源流表 論兩河及淮西利害狀  
奉天請數對羣臣兼許合論事狀 奉天請罷瓊林大  
盈二庫狀 禘祫議 諫佛骨表 論臺諫言事未蒙  
聽允書 上皇帝書 代張方平諫用兵書 徐州上  
皇帝書 上仁宗皇帝言事書

書牘之屬

鄭子家與趙宣子書 呂相絕秦 叔向語子產 樂  
毅報燕惠王書 魯仲連遺燕將書 司馬遷報任安  
書 楊惲報孫會宗書 王生遺蓋寬饒書 劉歆遺  
讓太常博士書 馬援與楊廣書 與彭寵書 奏記  
鄧禹 李固與黃瓊書 孔融論盛孝章書 爲曹公  
作書與孫權 爲劉荆州與袁譚書 與朝歌令吳質  
書 與吳質書 與吳季重書 與楊德祖書 吳質  
答魏太子牋 在元城與魏太子牋 答東阿王書

楊修荅臨淄侯牋 與諸葛恪書 為會稽王昱與桓

溫書 與會稽王昱書 與殷浩王羲之書 盧湛贈

劉琨書 劉琨荅盧湛書 邱遲與陳伯之書 韓愈

與孟尚書書 與鄂州柳中丞書 與崔羣書 荅崔

立之書 荅呂鑿山人書 荅李翊書 荅劉正夫書

荅尉遲生書 與馮宿論文書 荅竇秀才書 與

衛中行書 與孟東野書 荅劉秀才論史書 上兵

部李侍郎書 寄京兆許孟容書 與蕭翰林俛書

與李翰林建書 荅韋中立論師道書 荅韋珩示韓

愈相推以文墨事書 荅獨孤舍人書 荅王載言書

與尹師魯書 寄歐陽舍人書 謝杜相公書 上

韓樞密書 上歐陽內翰書 荅李薦 上韓太尉書

荅韶州張殿臣書 荅司馬諫議書

哀祭之屬

金滕卅祝之詞 黃鳥 衛太子崩噴禱神之詞 招

魂 大招 賈誼弔屈原賦 悼李夫人賦 哀二世

賦 禱高祖孝文孝武廟文 告祭毀廟文 元后誄

大司農鮑德誄 和帝誄 遷都告廟文 成都卽

位告天文 文帝誄 平陽懿公主誄 王仲宣誄

晉成帝哀策 晉武帝哀策 世祖武皇帝誄 皇女

誄 楊荊州誄 楊仲武誄 夏后常侍誄 馬汧督

誄 哀永逝文 金鹿哀詞 弔魏武帝文 陶靖節

自祭文 祭從弟敬遠文 陶徵士誄 楊給事誄

祭屈原文 祭古冢文 祭顏光祿文 祭夫徐俳文

即位告天文 告謝吳天上帝冊文 告謝代宗廟

文 祭田橫墓文 祭張員外文 祭柳子厚文 獨

孤申叔哀詞 歐陽生哀詞 祭十二郎文 祭鄭夫

人文 弔武侍御所畫佛文 祭穆員外文 祭彬州

李使君文 祭馬僕射文 祭張給事文 祭女孥女

文 祭湘君夫人文 祭薛助教文 祭張員外文

祭韓侍郎文 祭資政范公文 祭尹師魯文 祭石

曼卿文 祭蘇子美文 祭梅聖俞文 祭歐陽文忠

公文 祭柳子玉文 代三省祭司馬丞相文 祭范

穎州文 祭歐陽文忠公文 祭于元珍學士文 祭

王回深甫文 祭高師雄主簿文 祭曾博士易占文

祭李副省文 祭周幾道文 祭東向原道文 祭

張安國占正文

傳志之屬

分上下編

項羽本紀 蕭相國世家 曹參世家 楚元王世家

梁孝王世家 五宗世家 伯夷列傳 孟子荀卿

列傳 廉頗藺相如列傳 田單列傳 平原君虞卿

列傳 魏公子列傳 刺客列傳 魏其武安侯列傳

霍光傳 李廣蘇建傳 趙尹韓張兩王傳 楊胡

朱梅云傳 蕭望之傳 班超傳 臧洪傳 諸葛亮

傳

郭林宗碑 陳太邱碑 胡公碑銘 太傅文恭侯胡

公碑 楊公碑 漢太尉楊公碑 朱公叔墳前石碑

貞節先生范史雲碑 袁滿來墓碑 曹成王碑

孟貞曜先生墓志銘 南陽樊紹述墓志銘 試大理

評事王君墓志銘 清河張君墓志銘 贈太尉許國

公神道碑銘 河南令張君墓志銘 柳子厚墓志銘

清邊郡王楊燕奇碑 唐故相權公墓碑 殿中少

監馬君墓志 國子監司業竇公墓志銘 清河郡公

房公墓碣銘 尚書庫部郎中鄭君墓志銘 太原王

公墓志銘 尚書左僕射右龍武軍統軍劉公墓志銘  
孔司勳墓志銘 集賢院校理石君墓志銘 李元  
賓墓銘 施先生墓銘 唐河中府法曹張君墓碣銘  
扶風郡夫人墓志銘 河南府法曹參軍盧君夫人  
墓志銘 女孥壙銘 董公晉行狀 監察御史衛府  
君墓志銘 尚書左丞孔公墓志銘 貝州司法參軍  
李君墓志銘 毛穎傳 襄陽丞趙君墓志 范文正  
公神道碑 胡瑗墓志 張汝士墓志 石徂徠墓志  
孫明復墓志 尹子漸墓志銘 尹師魯墓志銘

海聖俞墓志銘 蘇子美墓志銘 石曼卿墓志銘

龍岡阡表 海陵許主簿墓志 王深甫墓志 章友

直墓志銘 丁寶臣墓志銘 臨川王君墓志銘 蘇

安世墓志銘 金溪吳君墓志銘 萬年太君黃氏墓

志 給事中孔公墓志銘 兵部員外郎馬君墓志銘

僊居縣太君魏氏墓志銘 歸府君墓志銘 寒花

葬志 李憲卿行狀 先妣事略 歸氏二孝子傳

陶節婦傳

敘記之屬

金滕 顧命 齊魯長勺之戰 秦晉韓之戰 晉公  
子重耳之亡 晉楚城濮之戰 秦晉殽之戰 晉楚  
邲之戰 齊晉鞏之戰 晉楚鄢陵之戰 晉齊平陰  
之戰 宋之盟 叔孫穆子之難 楚靈王乾谿之難  
吳楚雞父之戰 魯昭公乾侯之難 晉魏舒敗無  
終之戰 吳楚柏舉之戰 晉鄭鐵之戰 齊魯清之  
戰 白公之難 赤壁之戰 曹爽之難 諸葛恪之  
難 謝玄淝水之戰 劉裕伐南燕之役 韋叡守鍾  
離之役 高歡沙苑之戰 宇文泰北邙之戰 韋孝

寬守玉壁 裴度李愬平蔡之役 李晟移軍東渭橋  
平淮西碑

典志之屬

禹貢 大司樂 大司馬 職方氏 大司寇 士冠  
禮 士相見禮 觀禮 祭法 天官書 封禪書  
平準書 地理志 職方考 越州趙公救災記 序  
越州鑑湖圖

雜記之屬

深衣 投壺 梓人 匠人 輪人 輿人 弓人

矢人 漢修西嶽廟記 陳留索昏庫上里社碑 桐

柏廟碑 荊州文學記 晉造房陵遏記 藍田縣丞

廳壁記 鄆州溪堂詩 畫記 南海神廟碑 汴州

水門記 處州孔子廟碑 衢州徐偃王廟碑 柳州

羅池廟碑 袁氏先廟碑 烏氏廟碑 題李生壁

新修滕王閣記 河南府同官記 科斗書後記 黃

陵廟碑 始得西山宴遊記 鈞錡潭記 鈞錡潭西

小邱記 遊黃溪記 永州萬石亭記 至小邱西小

石潭記 袁家渴記 石渠記 石澗記 小石城山

記 柳州東亭記 柳州山水近治可遊者記 零陵

三亭記 陪崔使君遊讌南池序 館驛使壁記 序

飲 序棋 岳陽樓記 襄陽穀城縣夫子廟記 峴

山亭記 豐樂亭記 宜黃縣學記 筠州學記 徐

孺子祠堂記 襄州宜城縣長渠記 齊州二堂記


廣德州重修鼓角樓記 慈谿縣學記 芝閣記 度

支副使廳壁題名記 遊褒禪山記 張益州畫像記

表忠觀碑 超然臺記 石鐘山記 武昌九曲亭

記 項脊軒記 儀鄭堂記

曾文正公文鈔卷四終



復龐侍郎書

小春望日錢農部至奉到惠書并讀大疏規畫精詳情詞剴切農部代述尊意欲效秦庭之請一拯吳會之危聞命之餘曷勝愧悚國藩猥以輅材謬膺重寄自接兩江之任卽思親提旅馳赴三吳維時部下不滿六千人自宿松挈以渡江駐札祁門徵兵調將閱數月而各軍稍集乃鮑鎮甫出石太而潯郡不守李道纔接徽防而休歙遽陷忠侍輔三僞王劉黃古賴各悍黨環繞江西使我腹背受敵幾于無日不戰無路不梗迨祁門防稍

定徽郡收復入秋以來事機稍順安池各屬以次攻復  
做軍始有出險之機下游彌切雲霓之望計距去夏初  
受命時已閱一年數月矣當時定議急圖安慶以鹽金  
陵之腦進兵甯國以荆昇潤之背意謂安慶縱難速下  
甯國之師當可于上年先抵蘇境不料波折如此之多  
遷延如此之久至今無一兵一將達於蘇境上無以慰  
九重宵旰之憂下無以答三吳雲霓之望此則寸心愧  
恨終宵負疚而莫釋者也安慶一軍自克城之後撥守  
各防已分六處萬無餘力可以進剿因今九舍弟馳回

湘中添募精銳將以新兵替防各處換出舊兵馳剿下  
游曾經兩商薛帥擬以一旅先赴鎮江上海等處職分  
所在卽無台命亦何敢視同秦越重以垂諭諄諄又復  
籌鉅款一萬與滬城協餉同時解到高義隆情彌增慚  
感已函催九舍弟募練成軍卽速東來儻風波羈滯到  
皖少遲當令李少荃廉訪先挈萬人前往準于二月成  
行水火之急彼此共之不敢愆期也上海僻在東隅不  
足以資控扼就江蘇現在之地而論鎮江最據形勝北  
可聯絡淮揚南可規復蘇常內可俯瞰金陵外可屏蔽

裏下河敞處撥軍東行當水陸布置先據鎮江再分偏  
師以防上海上海東北皆洋西南皆賊于籌餉則爲上  
腴于用兵則爲絕地卽江南衣冠右族避地轉徙亦宜  
擇淮揚通海寬閒之地進退綽綽不宜叢聚滬上地小  
人多未驚先擾凡爭戰防守之地須有一種肅靜之氣  
民情恇擾亦足搖動軍心若無事時預爲移民之策則  
有事時斷無掬指之爭區區愚慮未審有當否

將赴天津示二子書

九年四月  
俟補刊

原鈔有缺字擬

余卽日前赴天津查辦毆斃洋官焚毀教堂一案□□  
□□□□□□□□□□俱難和協將來□□□□  
□□□□□□余此行反復籌思□□□□余自咸豐三  
年募勇以來卽自誓效命疆場今年老病軀危難之際  
斷不敢吝於一死以自負其初心恐邂逅□□而爾等  
諸事無所稟承略示一二以備不虞

余若長逝靈柩自應由運河回江南歸湘爲便中間自  
臨清至張秋一節須改陸路較全行陸路爲差易去年

由海船送來之書籍木器等過于繁重斷不可全行帶  
回須細心分別去留可送者分送可毀者焚毀其必不  
可棄者乃行帶歸毋貪瑣物而花途費其在保定自製  
之木器全行分送沿途謝絕一切概不收禮但水陸略  
求兵勇護送而已

余歷年奏摺令肯吏擇要鈔錄今已鈔一多半自須全  
行擇鈔鈔畢後存之家中留與子孫觀覽不可發刻送  
人以其間可存者絕少也余所作古文黎蓐齋鈔錄頗  
多頃渠已照鈔一分將寄余處存稿者外黎所未鈔之

文寥寥無幾尤不可發刻送人不特篇帙太少且少壯  
不克努力志亢而才不足以副之刻出適以彰其陋耳  
如有知舊勸刻余集者婉言謝之可也切屬切屬

余生平畧涉儒先之書見聖賢教人修身千言萬語而要  
以不伎不求爲重伎者疾賢害能妬功爭寵所謂怠者  
不能修忌者畏人修之類也求者貪利貪名懷土懷惠  
所謂未得患得既得患失之類也伎不常見每發露於  
名業相侔勢位相埒之人求不常見每發露於貨財相  
接仕進相妨之際將欲造福先去伎心所謂人能充無

欲害人之心而仁不可勝用也將欲立品先去求心所謂人能充無穿窬之心而義不可勝用也伎不去滿懷皆是荆棘求不去滿腔日卽卑污余於此二者常皆克治恨尙未能掃除淨盡爾等欲心地乾淨於此二者痛下工夫願世世子孫戒之附作伎求詩二首錄左 歷覽有國之興皆由克勤克儉所致其衰也則反是余生平亦頗以勤學自勵而實不能勤故讀書無手鈔之冊居官無可存之牘生平亦好以儉字教人而自問實不能儉今署中內外服役之人廚房日用之數亦云奢矣

其故由於前在軍營規模宏闊相沿未改近因多病醫藥之資漫無限制由儉入奢易於下水由奢返儉難若登天在兩江交卸時尙存百養廉銀二萬金在余初意不料有此然似此放手用去轉瞬卽已立盡爾輩以後居家宜學陸梭山之法每月用銀若干兩限一成數另封秤出本月用畢只準贏餘不準虧欠衙門奢侈之習不能不澈底痛改余初帶兵之時立志不取軍營之錢以自肥其私今日差幸不負始願然亦不願子孫過於貧困低顏求人惟在爾輩崇德善持其後而已 孝

友爲家庭之祥瑞凡所稱因果報應他事或不盡驗獨  
孝友則立獲吉慶反則立獲殃禍無不驗者吾早歲久  
官京師於孝養之道多疏後來展轉兵間多獲諸弟之  
助而吾毫無裨益於諸弟余兄弟姊妹各家均有田宅  
之安大抵皆沅叔扶助之力我身歿之後爾等事兩叔  
如父事叔母如母視堂兄弟如手足凡事皆從省嗇獨  
待諸叔之家則必須從厚待堂兄弟以德業相勸過失  
相規期於彼此有成爲第一要義其次則親之欲其貴  
愛之欲其富常常以吉祥善事默爲諸昆弟禱祝自然

神人共欽溫甫季洪兩叔之死余內省實多慙德澄侯  
沅浦兩叔漸老余此生不審能否相見爾輩若從孝弟  
二字切實講求亦足爲我彌縫缺憾耳

不忮詩


善莫大於怨德莫凶於妬二者妾婦行瑣瑣奚比數已  
拙忌人能已塞忌人遇已若無事功忌人得成務已若  
無黨援忌人得多助勢位苟相敵畏逼又相惡已無好  
聞望忌人文名著已無賢子孫忌人後嗣裕爭名日夜  
奔爭利東西驚但期一身榮不惜他人污聞災或欣幸

聞禍或悅豫問渠何以然不自知其故爾室神來格高  
明鬼所顧天道常好還嫉人還自誤幽明叢詬忌乖氣  
相迴互重者災汝身輕亦滅汝祚我今告後生悚然大  
覺悟終身讓人道曾不失寸步終身祝人善曾不失尺  
布消除嫉妬心普天零甘露家家獲吉祥我亦無恐怖

不求詩

知足天地寬貪得宇宙隘豈無過人資多欲爲患害在  
約每思豐居困常求泰富求千乘車貴求萬釘帶未得  
求速償既得求勿壞芬馨比椒蘭磐固方太岱求榮不


知狀志亢神愈怵歲燠有時寒日明有時晦時來多善  
緣運去生災怪諸福不可期百殃紛來會片言動招尤  
舉足便有礙戚戚抱股憂精爽日凋瘵矯首望八荒乾  
坤一何大安榮無遽欣患難每遽散君看十人中八九  
無依賴人窮多過我我窮猶可耐而况處夷途奚事生  
嗟憤於世少所求俯仰有餘快俟命看終古曾不願乎  
外



Faint, illegible text impressions, possibly bleed-through from the reverse side of the page.

日記絕筆 壬申二月初四日晨起書

既不能振作精神稍盡當為之職分又不能溘先朝露  
同歸於盡苟活人間慄慄何極



咸豐十一年冬粵寇據蘇常瑛奉團練大臣檄赴安慶  
乞師謁文正公於行轅退之幕府見公與人論學書及  
撰著死事諸公碑志欲錄未果同治六年見公江甯節  
署公命赴治城山書局始錄二千餘篇十年公閱兵至  
松江適瑛權青浦學官見公舟次公勸以及時讀書著  
述十一年二月公薨於江督任所權青浦令遵義黎君  
純齋公門下士也自江甯歸攜示公文若干計前後所  
見凡六十七篇以求闕齋經史百家雜鈔敘目附焉黎  
君原編二卷瑛就其次敘均爲四卷公功在天下婦孺


皆知末學何庸贅及惟是十年以來與聞緒論竊有以  
窺見萬一公學宗宋儒上溯孔門約禮之教不事空談  
心性深入漢儒堂奧灼知乾嘉諸儒號爲漢學之弊論  
文則分陽剛陰柔二者括古今文章之變於近世諸家  
以桐城爲正宗又以姬傳姚氏之文偏於陰柔而參之  
以雄奇萬變故公之文不名一家實足跨越一代海內  
承學之士仰望公文異日當有全編行世私與黎君議  
先刊此編以副學者快觀之心且誌感云同治十一年  
六月常熟張瑛謹跋

曾文正文鈔蘇郡板本一出學者爭先願覩近地坊  
肆不暇應給遠處無論已元刻字畫整好而小誤猶間  
有之茲求得傳抄本之精審者復校一過又以致龐侍  
郎書爲當時滬上傳誦者及金陵所輯榮哀錄中家書  
附刻於後另目曰附刻者自分不得役於編纂不敢妄附  
於元抄也剗劂不工而疑異之字特加審慎大雅君子  
或不鄙而鑒之

同治十一年十二月醉六堂書鋪謹識

212415  
14844  
=16

014859



卷之五 金

一  
 二  
 三  
 四  
 五  
 六  
 七  
 八  
 九  
 十  
 十一  
 十二  
 十三  
 十四  
 十五  
 十六  
 十七  
 十八  
 十九  
 二十  
 二十一  
 二十二  
 二十三  
 二十四  
 二十五  
 二十六  
 二十七  
 二十八  
 二十九  
 三十  
 三十一  
 三十二  
 三十三  
 三十四  
 三十五  
 三十六  
 三十七  
 三十八  
 三十九  
 四十  
 四十一  
 四十二  
 四十三  
 四十四  
 四十五  
 四十六  
 四十七  
 四十八  
 四十九  
 五十  
 五十一  
 五十二  
 五十三  
 五十四  
 五十五  
 五十六  
 五十七  
 五十八  
 五十九  
 六十  
 六十一  
 六十二  
 六十三  
 六十四  
 六十五  
 六十六  
 六十七  
 六十八  
 六十九  
 七十  
 七十一  
 七十二  
 七十三  
 七十四  
 七十五  
 七十六  
 七十七  
 七十八  
 七十九  
 八十  
 八十一  
 八十二  
 八十三  
 八十四  
 八十五  
 八十六  
 八十七  
 八十八  
 八十九  
 九十  
 九十一  
 九十二  
 九十三  
 九十四  
 九十五  
 九十六  
 九十七  
 九十八  
 九十九  
 一百

